

UNIVERZITET U SARAJEVU
ELEKTROTEHNIČKI FAKULTET U SARAJEVU

Komisija za prijem i upis studenata

u prvu godinu prvog ciklusa studija i prvu godinu stručnog studija "Razvoj softvera"
na Elektrotehničkom fakultetu u Sarajevu
u studijskoj 2021/2022. godini

Broj: 01-4286/21.
Sarajevo, 08.09.2021.

Na osnovu člana 25. Odluke o kriterijima i mjerilima za utvrđivanje redoslijeda prijema kandidata za upis u prvu godinu studija na Univerzitetu u Sarajevu, u studijskoj 2021/2022. godini, Komisija za prijem i upis studenata u prvu godinu prvog ciklusa studija i prvu godinu stručnog studija "Razvoj softvera" na Elektrotehničkom fakultetu u Sarajevu, u studijskoj 2021/2022. godini, d o n o s i

UPUTSTVO KANDIDATIMA ZA POLAGANJE PRIJEMNOG ISPITA
za upis u prvu godinu prvog ciklusa studija i stručnog studija "Razvoj softvera" na
Elektrotehničkom fakultetu u Sarajevu u studijskoj 2021/2022. godini
(drugi prijavni rok)

Prijemni ispit za upis u prvu godinu prvog ciklusa studija i stručnog studija "Razvoj softvera" na Elektrotehničkom fakultetu u Sarajevu u studijskoj 2021/2022. godini (drugi prijavni rok) će se održati dana 16.09.2021. godine (četvrtak), s početkom u 13:00 sati u prostorijama Elektrotehničkog fakulteta u Sarajevu, sa sjedištem u ulici Zmaja od Bosne bb (Kampus Univerziteta u Sarajevu), Sarajevo. U cilju poštivanja epidemioloških mjera, organiziranje polaganja prijemnog ispita organaizirat će se i u dodatnim prostorijama (salama) drugih organizacionih jedinica Univerziteta u Sarajevu, o čemu će kandidati biti informirani prilikom pristupanja polaganju prijemnog ispita.

1. Kandidati za polaganje prijemnog ispita, u vremenskom periodu od 12:30 do 12:45 sati, trebaju pristupiti sali u kojoj su raspoređeni da rade prijemni ispit. Raspored kandidata po salama bit će objavljen na oglasnoj ploči na ulazu u glavnu zgradu Elektrotehničkog fakulteta u Sarajevu i na internet stranici www.etf.unsa.ba, najkasnije 15.09.2021. godine.
2. U cilju pristupanja polaganju prijemnog ispita, kandidat treba posjedovati odgovarajući identifikacioni dokument sa slikom (lična/osobna karta, vozačka dozvola ili pasoš/putovnica), te obrazac sa šifrom koji kandidati dobijaju prilikom online prijave/registracije za upis, putem informacionog sistema eUNSA. Kandidat koji ne bude posjedovao jedan od naprijed navedenih identifikacionih dokumenata, neće biti u mogućnosti pristupiti polaganju prijemnog ispita.
3. Prijemni ispit traje 120 minuta, od trenutka kada posljednji kandidat u sali dobije zadatke za rad.
4. Prijemni ispit vrednuje se sa maksimalno 40 bodova, pri čemu nema praga na broj osvojenih bodova. Ispit se polaže putem testa, u ovjerenom duplikatu, od čega jedna kopija ostaje Elektrotehničkom fakultetu u Sarajevu, a druga kandidatu.
5. Prijemni ispit ima 20 zadataka, od čega se 5 zadataka boduje sa 3 boda, 10 zadataka sa 2 boda i 5 zadataka sa 1 bodom. Zaokružen tačan odgovor sa potpunim i korektnim postupkom nosi maksimalan broj bodova. Zaokružen tačan odgovor uz nedvosmisleno nepotpun postupak nosi polovicu od maksimalnog broja bodova. Zadatak sa nedvosmisleno nekorektnim postupkom nosi 0 bodova, bez obzira da li je zaokružen tačan odgovor ili ne. Isto vrijedi za zadatak sa zaokruženim netačnim odgovorom, bez obzira na postupak. Negativnih bodova nema. Broj ponuđenih odgovora za svaki zadatak na prijemnom ispitu je pet.
6. Tokom rješavanja zadataka, zabranjeno je koristiti mobilne uređaje, kalkulator, ili neka druga elektronska sredstva. Kandidati kod sebe mogu imati samo pisaći pribor (test se piše plavom ili crnom hemijskom olovkom, dozvoljeno je koristiti geometrijski crtaći pribor: šestar, uglomjer, trouglovi), identifikacioni dokument i obrazac sa šifrom kandidata.
7. Tokom rješavanja zadataka, nije dozvoljen bilo koji vid komunikacije sa ostalim kandidatima.

8. U slučaju postojanja potencijalnih dilema ili nejasnoća oko predmetnih zadataka, pitanja i zahtjevi za pojašnjenje upućuju se dežurnom asistentu, ali tako da pitanje i odgovor čuju i ostali kandidati u toj sali. Narušavanje ovog pravila se sankcionira odstranjivanjem kandidata sa prijemnog ispita.
9. Dežurnim asistentima nije dozvoljeno pojedinačno prilaziti kandidatima, niti komunicirati sa njima na bilo koji način.
10. Na dobijenim papirima sa zadacima piše se samo šifra kandidata na odgovarajuće označeno mjesto.
11. Nakon isteka vremena predviđenog za izradu zadataka prijemnog ispita kandidat je dužan predati testove i originalni obrazac sa odgovorima na zadatke, a kopiju obrasca za odgovorima na zadatke kandidat zadržava za sebe.
12. Kandidat upisuje odgovore na zadatke popunjavanjem odgovarajućih polja.
 - Pravilo je: jedan zadatak = jedan odgovor (jedno popunjeno polje). Zadatak sa više popunjenih polja se ne priznaje.
 - Na obrascu sa odgovorima na zadatke, nakon popunjavanja polja predviđenih za odgovore, nisu dozvoljene naknadne ispravke.

Rezultati prijemnog ispita i prigovori na iste:

1. Rezultati prijemnog ispita i preliminarna rang-lista, bit će objavljeni 20.09.2021. godine (ponedjeljak) putem informacionog sistema eUNSA, na oglasnoj ploči i internet stranici Elektrotehničkog fakulteta u Sarajevu, pod šifrom koju su kandidati dobili prilikom registracije.
2. Kandidati imaju pravo prigovora na preliminarnu rang-listu i rezultate prijemnog ispita, u roku od tri dana od dana objave iste, odnosno u dane 21.09.2021. godine, 22.09.2021. godine i 23.09.2021. godine.
3. Prigovor se predaje u pismenoj formi u Dekanat Elektrotehničkog fakulteta u Sarajevu (kancelarija 1-26) u vremenskom periodu od 8:00 do 15:00 sati, a upućuje se Komisiji za provođenje prijemnog ispita i organiziranje pripreme nastave iz matematike, za upis studenata u prvu godinu prvog ciklusa studija i prvu godinu stručnog studija "Razvoj softvera", u studijskoj 2021/2022. godini.
4. Razmatranje podnesenih prigovora, realizirat će se isključivo u prisustvu kandidata, dana 24.09.2021. godine (petak), s početkom u 10:00 sati (sala S-1, prizemlje).
5. U slučaju prigovora kandidat je dužan donijeti sa sobom kopiju obrasca sa odgovorima na zadatke, u suprotnom neće moći pristupiti razgovoru sa komisijom.

Nakon završenog prvog prijavnog roka, broj raspoloživih slobodnih mjesta ma drugom prijavnom roku, po studijskim programima je kako slijedi:

Program (Odsjek)	Redovni studij – troškove studija snosi osnivač	Redovni studij – troškove studija snose sami studenti
AE	-	6
EE	-	27
RI	-	7
TK	-	17
RS	-	23
UKUPNO	-	80

Predsjednik Komisije

Prof. dr. Jasmin Velagić



Dostaviti:

1. Komisija za prijem i upis studenata
2. Komisija za provođenje prijemnog ispita (4x)
3. Studentska služba
4. Internet stranica
5. Oglasna ploča (2x)
6. a/a